

Instruction du magistrat de Bruges pour Henri de Grouf, échevin, et Olivier Nieulandt, pensionnaire, envoyés à Gand chez le prince d'Orange.

Ils prieront le prince d'accepter le gouvernement de Flandre ; d'enjoindre au capitaine Thomas Netoun de quitter Water- vliet, et au capitaine Josse de Hondt de se retirer d'Arden- bourg et de Middelbourg, situés en dehors du quartier de Gand. — Quant à l'Union d'Utrecht, ils diront au prince que le magistrat attend encore l'avis de quelques villes subal- ternes, mais que lui-même a décidé d'y adhérer.

Vers le 20 août 1579 (1).

Instructie omme J^o Hendrick de Grouf, schepenen ende M^r Olivier Nieulandt pensionaris vander stede van Brugghe reysende uuyt laste vande collegien der zelver stede tot Ghendt up de bescryvinghe van myn heere den prince van Orange stadhouder generael, enz.

(1) Le prince d'Orange était arrivé à Gand le 18 août.

Alvooren zullen de voorn. ghedeputeirde heml. metten anderen Leden presenteren voor Zyne Ex^{te} ende, naer verstaen thebbene zyn goede gheliefte, voughen heml. metten anderen tot al tguene de zelve zal versoucken ende voorlegghen streckende tot beschudde vanden lande ende raddresche vande ghemeene zaken van dien, zo varre heml. dies gheraden zal dyncken ende zy in huere commissien ingheven zullen den lande oorboirlick ende profitelick te wordene, daertoe tcollege heml. autoriseirt by desen.

Merckelick ooc omme Zyne Ex^{te} te begroetene ende aenveirdene totten gouvernemente vanden Lande van Vlaenderen up de conditien van zynen weghe den Leden eerstmael voorghehouden ende andere zydert overghebrocht by d'heer Pieter de Blende, schepenen ende, uuyt crachte van dien, van Zyne Ex^{te} te verstaene alle zaken streckende tot beterynghe ende reformatie vanden alghemeenen staet slands van Vlaenderen ende omme te moghen wederstaene de vianden tzelve landt van Oosten ende Westen uploopende ende bestrydende. Biddende Zyne Ex^{te} terstont ordre te stellene tot wederstaene van dien, byzondere vanden heere vander Mote zynde te velde met groot gheschut ende hebbende alreede inghenomen diversche stercten ende ontwyflick ghedelibereirt voorts te varene, ne zy behoorlick werde gheresisteirt.

Zullen voorts procureren dat terstont by brieven van Zyne Ex^{te} worde gheordonneirt Thomas Netoun, capittein, te vertreckene van Watervliet ende zyn compagnie te makene up tghendtsche quartier of die gheheele te laeten varene, mids de cleene middele die hy heyft van die te makene. Item insgelycx Joos de Hondt te verlatene de steden van Ardenburg ende Middelburg metgaders thuus vanden heere van Ognyes als zynde buyten tghebiet vande stadt van Ghendt ende daer gheen garnisoen en behoort gheleyt te wordene sonder de wete ende consente vande collegien vande stede van Brugghe ende slands vanden Vryen, elck in zyn ghesach.

Aengaende die Unie van Utrecht zullen verclaersen dat schepenen verbeyden alsnoch tadvys van eeneghe huerl. subalterne steden, anders van huerl. advyse ter-

stont bereet zynde die aen te gaene, zo dat breeder zal worden verclaerst.

Ende alzo thuerl. compste aldaer zal moghen thuus commen de pensionaris Casenbroot, zo zullen zy hem daeraf adverteren ten hende tcollegie niet en zy ongefurniert van pensionarissen.

Ende indien ghetraecteirt wort de zake vanden capitein Wynckere, zullen verclaersen tadvys vande schepenen als van hem te betalene een maent voor alles, sonder meer, ende dat byden guenen vande commysen dies best ghestaet zynde.

Item indien yet gheordonneirt wort up de comptoiren vande commysen zullen in alle ghevalle uuytstellen alle voorgaende assignatien.

Br. Lettres et actes. *Minute.*